

Pelea formal na San Nicolas

Homber a core drenta warda di polis y un gang su tras

ORANJESTAD(AAN) -- Diasabra 8'or di mainta por poco un pelea formal a tuma lugar den warda di Polis na San Nicolas.

Un homber kende tabata worde persigui pa un gang a core drenta warda di Polis pa busca refugio. E grupo cu tabata consisti di hombernan furioso, tabata a punto di ataca e tipo.

E agentenan policial mester a drenta den accion y pone e tipo aki den un camber apart pa asina evita lo peor.

Despues di un investigacion a resulta cu e tipo cu a core drenta pa busca refugio J.W.(25) durante un pelea a herida e homber R.J.(23) cu un boter na su garganta.

E pelea aki mester a tuma lugar den caya na San Nicolas. E amigonan di R.J. inmediata-

mente a hibe centro medico pa asina haya asistencia.

Despues di a ricibi tratamiento medico R.J. a bay na e sitio acompaña pa e grupo y aparentemente nan a topa cu J.W. kende a core drenta warda di Polis.

R.J. y su amigonan a entrega keho pa maltrato contra J.W. Recherche ta investigando e caso.

E notnan di wielnan dilanti a worde kita

Recherche ta investigando posible caso di venganza

ORANJESTAD(AAN) -- Un dama J.M.C.(26) biba na Noord a presenta na oficina di Recherche caminda el a entrega keho contra un ex amigo di dje D.E.

Segun e J.M.C., el a staciona su auto den parkinglot di e

hotel caminda e ta traha. Na dado momento el a nota D.E. para na su auto y despues a move.

Despues di trabao el a bay investiga un ke otro y a constata cu D.E. a rasca su auto. Ora el a start e auto y a cuminsa

reverse e wiel di dilanti a kita for di e auto.

Investigacion a indica cu D.E. aparentemente lo a los e notnan di e tire intencionalmente.

Miembronan di Recherche ta haciendo un investigacion di e caso aki.

Durante un reunion extra ordinario convoca na un lugar secreto, **GRUPO ESPAÑO DE TIVOLI LIGHTING PARADE**, a dicidi unanimamente di nombra

HELL'S ANGELS BRASSBAND OF THE YEAR

Un participacion especial ta bay na Augusto pa e corda cu ya Nuha Mansur a contrate pa otro año. E por pasa cobra for di awor cerca Rina de Cuba.

PABIEN HELL'S ANGELS CU BOSO REPERTORIO Y RITMO FABULOSO



OPORTUNIDAD PA TRABAJO

Tin mester di:

6 pa 8 helper pa haci entrega

Edad :20 pa 25

Solicita personalmente ariba :

Dialuna, jan. 30 y Diamars jan. 31, 1989,

entre 8'or a.m. y 5'or p.m.

na Ponton 36-F.

El a pusha e muher benta abao

Homber a ataca muher na estado di lomba

ORANJESTAD(AAN) -- Diasabra mas o menos 11'or di mainta miembronan di Recherche a acudi na hospital pa un caso di maltrato.

Tabata trata aki di un muher na estado kende a worde ataca di lomba pa un homber y e muher a keda ariba su lomba ariba un stupi.

E miembronan di Recherche a interroga e muher C.M.Q.(26) kende ta 7 luna na estado. El a duna di conoce cu e homber H.S. naci na Curacao a ataque di lomba cu consecuencia cu el a cay cu lomba ariba un stupi.

Informacion cu DIARIO a ricibi encunto condicion di e muher y su yiu ta indica cu e baby no ta core peligro.

Miembronan di Recherche a drenta den accion y ariba e cruzada di Emmastraat/Socotorolaan caminda e incidente a tuma lugar nan e detene e homber. El a keda encarcela pendiente mas investigacion.

Debi cu tire a rementa auto a bolter



ORANJESTAD(AAN) -- Diasabra mainta un auto a bolter na San Fuego. Ora e patruya di Polis cu a yega na e sitio a nota cu e auto A 14027 tabata ariba su dak. Tabata tin cuatro persona den e auto y e anciano M.G. a ricibi mas sla. Cu ambulance el a ser transporta pa hospital caminda el a ricibi tratamiento medico. Causa di e accidente tabata cu un tire di e auto a rementa y esaki a pone cu e el a bolter.